



Peter Fanconi, il president, ed Alois Vinzens, il CEO, da la Banca chantunala grischuna.

MAD

Cun in resultat da record

Radunanza annuala dals participants da la Banca chantunala grischuna

■ (anr/gc) Avert la radunanza annuala dals participants da la Banca chantunala grischuna (BCG) sonda en la halla da la citad a Cuira ha sia musica instrumentala sut direcziun da Hendri Riedi. Alur han ils 2590 giasts udi dals caporesponsabels da la BCG be da fitg bunas cifras, schizunt da 2017 sco in onn da record. Il gudogn dal concern ha muntà a 180,3 milliuns. Uschia è la dividenda vegnida auzada da 2 francs sin 40. Tut en tut ha la BCG distribuì 100 milliuns francs al Chantun ed als participants.



L'impressionant cumin da participants e giasts en la halla da la citad da Cuira.

Auzà tut las componentas da retgav
Segund il CEO da la banca, Alois Vinzens, han ins pudì registrar dapli sin tuts champs commercialis. Quai pussibiliteschia pli autas investiziuns en l'avegnir e la finala era in engaschi multifar da la BCG en il Grischun. Per projects da cultura, economia e sport è vegnids impundids 3,2 milliuns francs da la BCG. L'istitut disponia d'ina basa da clients vasta ed ina capaciad da supportar ristgas extraordinarias. Era per l'onn current dettia puspè in bun resultat da fatschenta.

Project da pilot a Glion è reussì
Peter Fanconi, president da la BCG, dilucidescha il success da pusizionament tar las investiziuns. Il martgà las haja absorbà bain tenor cussegliaziun persuenter. Tut ils fonds d'acziun da la BCG sajan sa sviluppadis bler meglier. Quai conferma la cumpetenza dals experts d'investi-

ziun e la qualità da la cussegliaziun. La BCG tegnia era bain quint da las midadas digitalas cun pass ponderads. Uschia haja il project da pilot a Glion già mussà co ch'ina filiala senza spurtegl classic possa funcziunar, sche las zonas d'automats e pussaivladads da cussegliaziun vegnian concepidas ed adattadas als basegns da la clientella. Quai saja impurtant, pertge il dumber da transacziuns da daner cuntant al spurtegl tshessia cuntinuadamain. Suent l'introducziun reussida a Glion vegnia il nov concept extendì sin ulteriuras sedias regiunalas. La finamira na saja betg da realisar tut quai ch'è tecnicamain pussaivel, mabain quai che servia a lunga vista a la clientella. Quest patratg vegnia la Banca a considerar era per 2020 en il rom da ses giubileum da 150 onns.

Cumià da Fabrizio Keller

Il president da la BCG ha prendì a la fin cumià ed undrà Fabrizio Keller che è stà 12 onns cusseglier da la Banca e dapli 2016 vicepresidente da quella.

Empernaivels accents musicals e culinarics

Tals procura la BCG usitadamain pir suenter la radunanza dals participants durant il bun genter. La chantadura da jazz, *Nyna Dubois*, creschida si a Cuira, ensemen cun «Swiss Jazz Orchestra», il duet «Something Stupid» e *Sandro Dietrich* han procurà per divertiment sin nivel intgantant. Ils giasts èn natiralmain puspè vegnids pupragnads culinaricamain taluisa ch'i ha dà suenter il dessert in aplaus frenetic.